

ADMINISTRACIÓN LOCAL**MUNICIPAL****VIGO****Subvencións e axudas**

PROGRAMA DE AXUDAS ECONÓMICAS DIRECTAS DE APOIO PARA MULLERES EN SITUACIÓN DE VIOLENCIA DE XÉNERO PARA O ANO 2026. BASES E MODELO DE SOLICITUDE

PROGRAMA DE AXUDAS ECONÓMICAS DIRECTAS DE APOIO PARA MULLERES EN SITUACIÓN DE VIOLENCIA DE XÉNERO PARA O ANO 2026

A Xunta de Goberno Local do Concello de Vigo, na sesión extraordinaria e urxente do 30 de decembro de 2025, acordou, entre outros asuntos, aprobar as bases do Programa de axudas económicas directas de apoio para mulleres en situación de violencia de xénero para o ano 2026

EXPOSICIÓN DE MOTIVOS

A violencia contra as mulleres, que aínda existe na nosa sociedade, constitúe a manifestación máis extrema da desigualdade. Segundo indica o informe do Consejo General del Poder Judicial correspondente ao ano 2024, no conxunto do Estado presentáronse un total de 199.094 denuncias por violencia machista, referidas a un total de 183.908 vítimas.

No período comprendido entre o 1 de xaneiro de 2003 e o 17 de decembro de 2025, segundo datos do Ministerio de Igualdade, 1.342 mulleres foron asasinadas polas súas parellas ou exparellas só en España. Desas mulleres, 47 foron asasinadas este ano. Non obstante, hai que ter en conta que este é un dos aspectos máis dramáticos e visibles das consecuencias da violencia de xénero, pero esta se manifesta de diversas formas e en diversos contextos, quedando, moitas veces, oculta. Ademais, esta violencia afecta tamén aos e ás menores que a sofren, con consecuencias fatais para o seu desenvolvemento. Desde o ano 2013 ata o 18 de decembro de 2025 (última data oficial recollida na web do Ministerio), segundo datos oficiais, 65 menores foron vítimas mortais por violencia vicaria. Por isto, é necesaria por parte dos poderes públicos e das Administracións unha intervención firme e contundente para erradicala.

A Lei orgánica 1/2004, do 28 de decembro, de medidas de protección integral contra a violencia de xénero, no seu artigo 1, inclúe dentro do seu obxecto a prestación de asistencia ás mulleres, aos/ás seus fillos e fillas menores e aos e ás menores suxeitos á súa tutela, ou garda e custodia, vítimas desta violencia. No seu artigo 19, ademais, establece o dereito á atención integral para as vítimas, e a competencia para a súa organización por parte das Corporacións Locais.



Luns, 5 de xaneiro de 2026

Núm. 2

A Lei orgánica 3/2007, do 22 de marzo, para a igualdade efectiva de mulleres e homes, impón aos poderes públicos que establezan medidas explícitas e accións positivas para acadar a igualdade real e efectiva entre mulleres e homes. No seu artigo 21, establece que as Entidades Locais integrarán o dereito de igualdade no exercicio das súas competencias e colaborarán, a tal efecto, co resto das Administracións públicas.

A Lei 7/1985, do 2 de abril, reguladora das bases do réxime local, no seu artigo 25.2.o), na redacción dada polo Real Decreto-lei 9/2018, do 3 de agosto, atribúe aos municipios competencias propias, nos termos da lexislación do Estado e das Comunidades Autónomas, na materia de “actuacións na promoción da igualdade entre homes e mulleres así como contra a violencia de xénero”.

A vixente normativa [art. 127 da Lei 7/1985, do 2 de abril, reguladora das bases do réxime local, Resolución de Alcaldía de data 25/09/2025 de modificación da estrutura da administración do Concello de Vigo (BOPPO núm. 186 do 30 de setembro de 2025), Resolución de Alcaldía de delegación de competencias xenéricas en concelleiras/os de Área de Goberno e concelleiras/os delegadas/os de data 20/06/2023 (BOPPO núm. 124 do 28 de xuño de 2023), Resolución de Alcaldía de delegación de competencias específicas do Alcalde na Primeira Tenente Alcalde e Área de Goberno de Patrimonio Histórico, Cultura e Igualdade de data 28/06/2024 (BOPPO núm. 133 do 9 de xullo de 2024), e Acordo da Xunta de Goberno Local de data 07/11/2025 de modificación da delegación de competencias da Xunta de Goberno Local nas/os titulares das Concellerías de Área de Goberno (BOPPO núm. 217 do 12 de novembro de 2025), atribúe á concelleira da Área de Goberno de Patrimonio Histórico, Cultura e Igualdade, entre outras, a seguinte competencia en materia de igualdade: “Concesión das axudas económicas a favor das vítimas de violencia de xénero, sempre que exista acordo previo da Xunta de Goberno Local de aprobación dos respectivos programas e a correspondente autorización do gasto”.

O IV Plan de Igualdade do Concello de Vigo, aprobado polo Pleno da Corporación Municipal o día 25 de novembro de 2009, e vixente na actualidade por acordo da Xunta de Goberno Local do día 25 de xaneiro de 2013, contempla, entre os seus obxectivos específicos: garantir e mellorar a atención integral ás mulleres vítimas da violencia de xénero, e entre as actuacións a poñer en marcha: potenciación e incremento dos recursos específicos de atención e axuda ás mulleres vítimas de violencia.

Consciente da necesidade de actuar contra a violencia de xénero, e no marco das súas competencias, o Concello de Vigo veu a desenvolver unha liña de actuación, xa consolidada, na que é prioritaria a abordaxe do fenómeno da violencia desde diversos dispositivos e programas municipais. Así, a través da Concellería de Igualdade, lévanse a cabo programas de prevención e sensibilización, ademais da posta en marcha dunha serie de servizos e programas de atención e tratamento específico e integral da violencia de xénero. Cabe salientar o labor desenvolto polo Centro Municipal de Información dos Dereitos da Muller, desde o cal se ofrece apoio e asesoramento xurídico, psicolóxico e social, e que se complementa con dispositivos de acollemento como o Centro de Emerxencia ou a Rede municipal de vivendas de protección, dirixidos a mulleres en situación de violencia de xénero.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: ZBULIMKFA52B5OG6



Luns, 5 de xaneiro de 2026

Núm. 2

Para que o acollemento e a atención sexa integral, a intervención non só debe comprender aspectos psicolóxicos, educativos, sociolaborais e xurídicos, senón que existen aspectos económicos de carácter urxente que deben ser cubertos para que as mulleres que están a padecer violencia de xénero, ou se atopan no proceso de recuperación das secuelas da violencia de xénero que, en moitas ocasións, se prolongan no tempo máis alá da ruptura, logren acadar unha vida autónoma.

A maior parte das usuarias da rede municipal de atención e acollemento para mulleres vítimas de violencia de xénero, son mulleres con cargas familiares en situación económica precaria. A falta de cualificación profesional, a dependencia económica e afectiva co agresor, a baixa autoestima, a responsabilidade de ter ao seu coidado a menores ou persoas dependentes, o medo, e as propias limitacións do mercado de traballo, fan que as posibilidades de resolución autónoma da súa vida sexan enormemente dificultosas. Así, a experiencia acumulada de máis de dúas décadas de traballo, indica a necesidade de que, por parte da Administración, se lles recoñeza o dereito a unha axuda económica temporal que lles facilite unha vida autónoma, independente e favoreza a ruptura co agresor e o proceso de recuperación das secuelas da violencia de xénero que, en moitas ocasións, se prolongan no tempo máis alá da ruptura.

Para acadar este fin propónse a aprobación das Bases para o desenvolvemento dos procedementos aplicables para o outorgamento das axudas directas non periódicas para mulleres en situación de violencia de xénero no ano 2026, no marco definido pola normativa reguladora das subvencións públicas e de acordo cos criterios normativos aprobados polo

Concello de Vigo de forma específica, en relación coas subvencións, dentro das Bases de execución orzamentaria.

Ao abeiro do previsto, no art. 56 do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, xeral de subvencións e na Base 29ª de execución do orzamento xeral do exercicio 2025 propónse tramitar este expediente como anticipado de gasto.

A finalidade deste programa é dotar as mulleres dunha axuda económica temporal, non periódica, que lles permita afrontar os gastos máis urxentes e básicos na ruptura da relación violenta, así como no proceso de recuperación das secuelas da violencia de xénero que, en moitas ocasións, se prolongan no tempo máis alá da ruptura. Estas axudas económicas poderán utilizarse para facer fronte aos seguintes gastos: cartos mensuais de peto, lavandería, alimentación, hospedaxe, hixiene, farmacia, alugueiro, transporte, traslados de seguridade, actividades formativas, actividades extraescolares, subministros da vivenda, enxoval e/ou outras necesidades urxentes e inmediatas.

No caso extremo de que a muller faleza ou sufra lesións físicas ou psíquicas que lle imposibiliten ser a beneficiaria, as axudas se poderán destinar a facer fronte principalmente a gastos de alimentación, hixiene ou vivenda para as persoas que conviven coa vítima e dependesen economicamente dela.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: ZBUL1MKFA52B5OG6



Luns, 5 de xaneiro de 2026

Núm. 2

Correspóndelle á traballadora social do Centro Municipal de Información dos Dereitos da Muller do Concello de Vigo, ou á profesional do Servizo de Igualdade competente en cada caso, informar, asesorar, e orientar ás mulleres interesadas en todo o relacionado cos requisitos, características, documentación necesaria, contías, etc., deste réxime de axudas, así como realizar a valoración profesional e a proposta de concesión.

As axudas económicas que se concedan ao abeiro desta convocatoria terán necesariamente carácter temporal e non periódico, para atender situacións concretas derivadas do proceso de recuperación das mulleres vítimas da violencia de xénero valoradas polo equipo multidisciplinar do Centro Municipal de Información dos Dereitos da Muller do Concello de Vigo.

A concesión destas axudas imputarase á seguinte aplicación orzamentaria do orzamento do Servizo de Igualdade previsto para o ano 2026 polo seguinte importe:

<i>Aplicación orzamentaria</i>	<i>Importe</i>	<i>Exercicio económico</i>
Bolsas económicas 2311 4800000	20.000,00 Eur	2026

Non obstante, de se producir un incremento na demanda que xere un gasto superior ao previsto, ampliarase o crédito orzamentario na medida en que fose necesario, sempre que existan recursos financeiros suficientes e de acordo coa legalidade vixente en materia orzamentaria.

O réxime xurídico no que se enmarca este programa de actuación é conforme co disposto na normativa sobre subvencións: Lei 38/2003, do 17 de novembro, xeral de subvencións e o seu Regulamento de desenvolvemento aprobado polo Real Decreto 887/2006, do 21 de xullo, Lei 9/2007, do 13 de xuño, de subvencións de Galicia, así como nas Bases de execución do orzamento vixente do Concello de Vigo.

Por isto, este expediente, tramitado como anticipado de gasto (Base 29ª das Bases de execución do Orzamento Xeral do ano 2025), establece o marco de actuación para o procedemento aplicable ao longo do ano 2026, no marco xurídico definido pola Lei 9/2007, do 13 de xuño, de subvencións de Galicia. Constan os obxectivos, a clasificación das axudas, os requisitos e as obrigas das beneficiarias así como as peculiaridades da xestión destas subvencións directas. Contéplanse, igualmente, as contías máximas das axudas directas e a posibilidade de compatibilizalas con outras subvencións.

En relación co cumprimento dos procedementos para a concesión directa establecidos na Lei 9/2007, do 13 de xuño, de subvencións de Galicia, o presente expediente contempla os principios recollidos no artigo 26.2 da citada Lei.

Ao amparo do artigo 13.2.e) da Lei 38/2003, xeral de subvencións, atendendo á natureza destas axudas, para obter a condición de beneficiaria exceptúase o requisito de estar ao corrente no cumprimento das obrigas tributarias e fronte á Seguridade Social impostas polas disposicións vixentes.

O Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas, establece un réxime



Luns, 5 de xaneiro de 2026

Núm. 2

específico previsto para aqueles casos nos que a BDNS poida conter información ou datos especialmente protexidos e reconece o dereito de ocultación que asiste ás persoas físicas suxeitas a unha situación de protección especial. Así, no seu artigo 7.5 b) establécese que non se publicarán as subvencións ou axudas públicas concedidas a persoas físicas cando “a persoa física se atope nunha situación de protección especial que poida verse agravada coa cesión ou publicación dos seus datos persoais, en particular, cando sexa vítima de violencia de xénero ou de outras formas de violencia contra a muller”.

Polo dito, non se rexistrará información das concesións destas axudas na BDNS, nin no Portal de Transparencia do Sistema Nacional de Publicidade de Subvencións, sen menoscabo do deber de rexistrar a convocatoria nos anteditos portais.

O crédito previsto, a liña estratéxica, os obxectivos estratéxicos, os sectores ou colectivos aos que van dirixidas, o réxime de seguimento e control e a modalidade de concesión destas axudas están previstos no Plan Estratéxico de Subvencións 2024-2026 do Concello de Vigo, aprobado pola Xunta de Goberno Local en data 8 de marzo de 2024. Concretamente, estas subvencións están incluídas na liña estratéxica (2.5) Vítimas de violencia de xénero.



*BASES**PRIMEIRA.— OBXECTO*

Estas Bases teñen por obxecto fixar os criterios e regulamentar o procedemento aplicable parao outorgamento de axudas económicas directas de carácter non periódico para mulleres ensituación de violencia de xénero no ano 2026.

SEGUNDA.— FINALIDADE DAS AXUDAS

A finalidade destas axudas é apoiar as mulleres en situación de violencia de xénero para quepoidan afrontar unhas necesidades económicas derivadas principalmente desta violencia, contribuíndo a apoiar tanto o proceso de ruptura co agresor, como o proceso de recuperación das súas secuelas (físicas, psicolóxicas, sociais, etc.) que, en moitas ocasións, se prolongamáis alá da ruptura, e sempre que, a xuízo dos servizos municipais de atención á muller, non poidan ser cubertas pola beneficiaria.

Este programa diríxese ás mulleres en situación de violencia de xénero, ou que estean en proceso de recuperación das súas secuelas (físicas, psicolóxicas, sociais, etc.), que sexan usuarias dos dispositivos municipais de atencións ás mulleres do Concello de Vigo. No caso extremo de que a muller faleza ou sufra lesións físicas ou psíquicas que lle imposibiliten ser beneficiaria, as axudas poderanse destinar a facer fronte principalmente a gastos de alimentación, hixiene ou vivenda para as persoas que conviven coa vítima e dependesen economicamente dela.

Todas as axudas concedidas terán o carácter de temporais, non periódicas, e poderán facer fronte aos seguintes gastos: cartos mensuais de peto, lavandería, alimentación, hospedaxe, hixiene, farmacia, alugueiro, transporte, traslados de seguridade, actividades formativas, actividades extraescolares, subministros da vivenda, enxoval e/ou outras necesidades urxentes e inmediatas.

TERCEIRA.— BENEFICIARIAS

a) Mulleres en situación de violencia de xénero, ou en proceso de recuperación das súas secuelas (físicas, psicolóxicas, sociais, etc.), que estean a ser atendidas nos dispositivos específicos de atención ás mulleres do Concello de Vigo: Centro Municipal de Información dos Dereitos da Muller, Centro de Emerxencia e/ou Rede Municipal de Vivendas de Protección para mulleres vítimas de violencia de xénero.

b) No caso de que a muller padeza lesións psíquicas ou físicas que lle imposibiliten a recepción da axuda, esta poderase conceder a algunha persoa da súa familia.

c) No caso extremo de que a muller faleza, con carácter excepcional, poderase conceder a axuda económica ás persoas que conviviran coa vítima e dependesen economicamente dos seus ingresos, coordinando o caso cos servizos sociais de atención primaria. Cando sexan fillos



Luns, 5 de xaneiro de 2026

Núm. 2

e fillas menores de idade os/as que convivisen coa nai, a persoa beneficiaria da axuda será a persoa adulta que se responsabilice dos/as menores.

As circunstancias descritas nos apartados b) e c) deberán acreditarse no informe técnico d proposta da axuda.

CUARTA.— REQUISITOS

Os requisitos para acceder a estas axudas son os seguintes:

1. Ser maior de idade ou persoa menor emancipada.
2. Estar en situación de violencia de xénero ou estar en proceso de recuperación das súas secuelas (físicas, psicolóxicas, sociais, etc.), proceso que, en moitas ocasións, se prolonga máis alá da ruptura da relación violenta. Esta situación será valorada polo equipo profesional do Centro Municipal de Información dos Dereitos da Muller. Tamén poderá acreditarse por calquera das formas previstas na Lei 11/2007, do 27 de xullo, galega para a prevención e o tratamento integral da violencia de xénero, ou na Lei orgánica 1/2004, do 28 de decembro, de medidas de protección integral contra a violencia de xénero.
3. Residir no termo municipal de Vigo.
4. Non dispoñer de ingresos económicos suficientes para afrontar os gastos para os que solicita a axuda, a valoración do equipo multidisciplinar do Centro Municipal de Información dos Dereitos da Muller.
5. Ter debidamente xustificadas as axudas concedidas con anterioridade.
6. Presentar a solicitude e toda a documentación acreditativa da necesidade e da situación de violencia de xénero que demande o equipo multidisciplinar do Centro Municipal de Información dos Dereitos da Muller ou ben autorizar ao Concello de Vigo (Servizo de Igualdade) para obter das Administracións públicas e organismos públicos e privados a información e documentos necesarios para a tramitación e resolución da súa solicitude.

Tendo en conta a natureza destas axudas, ao abeiro do disposto no art. 13.2 da Lei 38/2003, exceptúase o requisito de estar o corrente no cumprimento das obrigas tributarias e fronte á Seguridade Social para obter a condición de beneficiaria.

QUINTA.— CRÉDITO ORZAMENTARIO

A cantidade máxima destinada a este programa será 20.000,00 euros (vinte mil euros) que se fará efectiva con cargo á aplicación orzamentaria Bolsas económicas 2311.480.00.00 do orzamento do Servizo de Igualdade do Concello de Vigo aprobado para o exercicio 2026.

Non obstante, de se producir un incremento na demanda que xere un gasto superior ao previsto, incrementarase o crédito orzamentario na medida en que fose necesario, sempre



que existan recursos financeiros suficientes e de acordo coa normativa vixente en materia orzamentaria.

SEXTA.— CONTÍA DAS AXUDAS E PROCEDEMENTO DE CONCESIÓN E VALORACIÓN

O procedemento de concesión destas axudas iniciárase de oficio ou por solicitude da persoa interesada presentada no Rexistro Xeral Municipal ou por calquera dos medios indicados no artigo 16.4 da Lei 39/2015, do 1 de outubro, do procedemento administrativo común das Administracións públicas.

Correspóndelle á traballadora social do Centro Municipal de Información dos Dereitos da Muller do Concello de Vigo, ou profesional do Servizo de Igualdade competente en cada caso, informar, asesorar e orientar ás mulleres interesadas en todo o relacionado cos requisitos, características, documentación necesaria, contías, etc., deste réxime de axudas, así como realizar a valoración profesional e a proposta de concesión.

No informe técnico emitido deberán quedar acreditadas as limitacións económicas que ten a beneficiaria para facer fronte aos gastos para os que solicita a axuda, gastos extraordinarios aos que tivese que facer fronte, débedas de vivenda e/ou subministros da vivenda, así como, se procede, a imposibilidade de que as necesidades reflectidas no informe sexan atendidas con urxencia polos servizos sociais de atención primaria ou por outras Administracións públicas.

Esta axuda é compatible con outras axudas de carácter público e/ou privado.

O importe máximo por beneficiaria e ano establécese en 600 euros, agás causas urxentes debidamente xustificadas. O pago da axuda concedida poderase realizar en pagos fraccionados atendendo á valoración realizada polos servizos municipais de atención ás mulleres.

A concelleira da Área de Goberno de Patrimonio Histórico, Cultura e Igualdade será quen teña a facultade para resolver sobre a aprobación ou denegación destas axudas.

Unha vez concedida a axuda, a beneficiaria disporá dun prazo de dez (10) días desde a recepción desta para presentar a xustificación perante a traballadora social do Centro Municipal de Información dos Dereitos da Muller, mediante facturas ou documentos acreditativos do gasto realizado. Este prazo poderase prorrogar atendendo a causas xustificadas valoradas polo servizo municipal de atención á muller. A traballadora social ou, na súa ausencia, a profesional do Servizo de Igualdade competente en cada caso, comprobará que queda xustificado o gasto e a finalidade da axuda concedida.

SÉTIMA.— GASTOS SUBVENCIONABLES

As axudas concedidas con cargo a este programa teñen carácter temporal e non periódico, para abordar aspectos concretos derivados da situación de violencia de xénero tanto no momento da ruptura da relación violenta, como no proceso de recuperación das súas secuelas (físicas, psicolóxicas, sociais, etc.), proceso que, en moitas ocasións, se prolonga no tempo máis alá



Luns, 5 de xaneiro de 2026

Núm. 2

da ruptura. A situación será valorada polas profesionais do equipo multidisciplinar do Centro Municipal de Información dos Dereitos da Muller do Concello de Vigo.

Estas axudas poderán facer fronte aos seguintes gastos: cartos mensuais de peto, lavandería, alimentación, hospedaxe, hixiene, farmacia, alugueiro, transporte, traslados de seguridade, actividades formativas, actividades extraescolares, subministros da vivenda, enxoval e/ou outras necesidades urxentes e inmediatas.

A concesión dunha destas axudas non da dereito por si mesma á concesión doutra polo mesmo concepto. Tampouco poderán ser invocadas como precedente.

OITAVA.— PRESENTACIÓN DE SOLICITUDES E PRAZO

As interesadas poderán presentar as súas solicitudes de axuda a través do Rexistro Xeral Municipal ou por calquera dos medios indicados no artigo 16.4 da Lei 39/2015, do 1 de outubro, do procedemento administrativo común das Administracións públicas. Presentaranse no modelo oficial (Anexo I-A) debidamente cubertas e asinadas pola solicitante.

O Servizo municipal de Igualdade poderá iniciar de oficio o procedemento para a concesión da axuda ante causas excepcionais que imposibiliten á interesada para presentar a solicitude (enfermidade, desprazamento fóra do Concello de Vigo, etc.) ou por mor da urxencia da situación que así o motive.

Poderán presentarse solicitudes desde o día seguinte á publicación do extracto da convocatoria no Boletín Oficial da Provincia de Pontevedra e ata o día 23.12.2026, incluído.

NOVENA.— SOLICITUDE DE FONDOS

O Servizo de Igualdade solicitará o inicio do correspondente expediente de gastos a xustificar para a concesión destas axudas, que se farán efectivas na conta restrinxida da Tesourería municipal con cargo á aplicación orzamentaria núm. 2311.480.00.00 do orzamento do Servizo de Igualdade aprobado para o exercicio 2026.

DÉCIMA.— OBRIGAS DAS PERSOAS BENEFICIARIAS

1. Aplicar a axuda á finalidade para a que foi concedida.
2. Permitir e facilitar o labor do persoal designado para comprobar a situación económica e familiar da posible beneficiaria.
3. Comunicar os cambios que puidesen dar lugar á modificación, suspensión ou acumulación da axuda.
4. Reintegrar o importe da axuda indebidamente percibida ou en contía indebida.
5. Cumprir as condicións e obrigas específicas determinadas polas profesionais do equipo multidisciplinar do Centro Municipal de Información dos Dereitos da Muller.



6. Presentar as facturas xustificativas da axuda recibida no prazo indicado para tal efecto.

DÉCIMO PRIMEIRA.— PUBLICIDADE DAS AXUDAS CONCEDIDAS

O Real Decreto 130/2019, do 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas, establece un réxime específico previsto para aqueles casos nos que a BDNS poida conter información ou datos especialmente protexidos e reconece o dereito de ocultación que asiste ás persoas físicas suxeitas a unha situación de protección especial. Así, o seu artigo 7.5 b) establece que non se publicarán as subvencións ou axudas públicas concedidas a persoas físicas cando “a persoa física se atope nunha situación de protección especial que poida verse agravada coa cesión ou publicación dos seus datos persoais, en particular, cando sexa vítima de violencia de xénero ou de outras formas de violencia contra a muller”.

Polo dito, non se rexistrará información das concesións deste programa de axudas na BDNS, nin no Portal de Transparencia do Sistema Nacional de Publicidade de Subvencións, sen menoscabo do deber de rexistrar a convocatoria nos anteditos portais.

DÉCIMO SEGUNDA.— XUSTIFICACIÓN DAS AXUDAS

a) Lugar: as beneficiarias xustificarán as axudas concedidas presentando perante o equipo multidisciplinar do Centro Municipal de Información dos Dereitos da Muller (CMIDM) a documentación que se indica no seguinte apartado.

b) Documentación: as axudas concedidas quedarán xustificadas coa presentación do DNI, ou outro documento oficial de identidade, e as facturas ou comprobantes do gasto efectuado. No caso de que a axuda fose concedida para cubrir gastos de necesidades básicas, como poden ser os cartos de peto ou manutención, os documentos acreditativos dos gastos realizados quedarán baixo a custodia do equipo multidisciplinar do CMIDM, podendo ser consultados pola Intervención Xeral.

c) Prazo: a beneficiaria disporá dun prazo de dez (10) días desde a recepción da axuda para presentar a xustificación no Centro Municipal de Información dos Dereitos da Muller, mediante facturas ou documentos acreditativos do gasto realizado. O equipo multidisciplinar do CMIDM comprobará que queda xustificado o gasto e a finalidade da axuda concedida.

DÉCIMO TERCEIRA.— DEPARTAMENTO RESPONSABLE

Concellería de Igualdade: Centro Municipal de Información dos Dereitos da Muller en coordinación co Servizo de Igualdade do Concello de Vigo

DÉCIMO CUARTA.— AVALIACIÓN E SEGUIMENTO

No expediente de concesión da subvención deberá incluírse a proposta fundamentada da necesidade da axuda e a súa contía.



Luns, 5 de xaneiro de 2026

Núm. 2

O seguimento da utilización e destino das axudas corresponderalle á traballadora social do Centro Municipal de Información dos Dereitos da Muller ou á profesional do Servizo de Igualdade competente en cada caso.

Co obxecto de realizar a valoración e o seguimento deste programa de axudas, elaborárase unha memoria anual que reflicta cando menos:

- a) Número de beneficiarias
- b) Finalidade das axudas
- c) Importe das axudas concedidas
- d) Seguimento do destino das axudas
- e) Solicitudes denegadas: número e motivo

Vigo, 30 de decembro de 2025 (data do Acordo da Xunta de Goberno Local)

Abel Caballero Álvarez, Alcalde.



Luns, 5 de xaneiro de 2026

Núm. 2

ANEXO I-A

 Concello de Vigo C.I.F. P3605700H Praza do Rei 1 - 36202 Tel: 986 810 100	IMPRESO DE SOLICITUDE PROGRAMA MUNICIPAL DE AXUDAS ECONÓMICAS DIRECTAS PARA MULLERES EN SITUACIÓN DE VIOLENCIA DE XÉNERO ANO 2026 CONCELLERÍA DE IGUALDADE	rexistro Selo
--	---	---------------

SEÑOR/A ALCALDE/SA-PRESIDENTE/A DO CONCELLO DE VIGO

SOLICITANTE	* DNI/NIE/Pasaporte	* Nome e apelidos			* Teléfono 1		Teléfono 2		
	ENDEREZO FISCAL								
	* Nome da rúa, praza, etc.			* Núm.	Portal	Escaleira	* Piso	* Porta	* Cód. Postal
	Parroquia	* Municipio	* Data nacemento	* País nacemento	Correo electrónico				

ENDEREZO PARA EFECTOS DE NOTIFICACIÓN									
Nome da rúa, praza, etc.				Número	Portal	Escaleira	Piso	Porta	Cód. Postal
Parroquia	Municipio	Provincia		Correo electrónico					

REPRESENTANTE	DNI ou CIF	Nome e apelidos ou razón social			Teléfono 1		Teléfono 2		
	Nome da rúa, praza, etc.			Número	Portal	Escaleira	Piso	Porta	Cód. Postal
	Parroquia	Municipio	Provincia		Correo electrónico				

*Campos que se deben cubrir obrigatoriamente.

SOLICITA:

Unha axuda económica con cargo ao PROGRAMA MUNICIPAL DE AXUDAS ECONÓMICAS DIRECTAS PARA MULLERES EN SITUACIÓN DE VIOLENCIA DE XÉNERO (ano 2026) da Concellería de Igualdade, para (indicar concepto e importe solicitado): Para o que achega a seguinte documentación:		☐ Mensaxe (SMS) ao móbil ☐ Correo electrónico.
Pode consultar o estado da súa solicitude accedendo a Oficina Virtual do Concello na web www.vigo.org . Tamén pode recibir información adicional indicando o método desexado:		

 Pode verificar a integridade deste documento no seguinte enderezo:
<https://sede.depo.gal>
 Código seguro de verificación: ZBULIMKFA52B5OG6


Luns, 5 de xaneiro de 2026

Núm. 2

DECLARA:

1º Que coñezo e acepto as Bases do *Programa municipal de axudas económicas directas para mulleres en situación de violencia de xénero do ano 2026* da Concellería de Igualdade.

2º Que non estou incurso nas prohibicións legais para ser beneficiaria de subvencións públicas e que os datos que figuran nesta solicitude son certos.

As persoas que de seguido se relacionan autorizan ao Concello de Vigo (Servizo de Igualdade) a obter das Administracións Públicas e organismos públicos e privados a información e documentos necesarios para a tramitación e resolución desta solicitude, de acordo coas Bases do programa.

Nome e apelidos	Núm. DNI/ NIE/ Pasaporte	Sinatura

(Sinatura da solicitante)

Vigo, de de 2026

De conformidade co establecido no Regulamento (UE) 2016/679 do Parlamento Europeo e do Consello sobre protección de datos de carácter persoal, e na Lei Orgánica 3/2018, do 5 de decembro, de protección de datos de carácter persoal e garantía dos dereitos dixitais, informámola dos seguintes extremos:

Os datos de carácter persoal que achegue serán obxecto do tratamento dos ficheiros responsabilidade do Concello de Vigo.

A finalidade do tratamento é xestionar o programa municipal de axudas económicas dirixidas a mulleres en situación de violencia de xénero ou en proceso de recuperación das súas secuelas (físicas, psicolóxicas, sociais, etc.) que, en moitas ocasións, se prolonga máis alá da ruptura. Estes datos non serán cedidos a terceiros, salvo consentimento da persoa interesada ou de acordo co previsto na citada lexislación.

Pode exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na lexislación vixente sobre a materia, ante o órgano responsable do ficheiro. No caso de descoñecer este órgano, a solicitude dirixirase a dpd.vigo@vigo.org.

Así mesmo, as persoas usuarias teñen dereito a presentar unha reclamación ante a Axencia Española de Protección de Datos.

